

INUIT ATAQATIGIIT INATSIARTUNI



UKA2022/87

Ulloq saqqummiivik: .09.November.2022

Illit atit: Mariane Paviasen

Takornariaqarneq aallaavigalugu ilinniarfiusinnaasumik Ilulissani ilinniartoqarfimmik pilersitsinissamut aalajangiisoqarsinnaanissaanut tungavissanik Naalakkersuisut misissuinissaat pillugu Inatsisartut aalajangiiffigisassaattut siunnersuut. Ilinniartoqarfik minnerpaamik serviceøkonom, Arktisk Turistguide aamma Adventure Guide ilinniakkatut pigissavai. Misissuineq kingusinnerpaamik UKA 2023-mi Inatsisartunut tunniunneqassaaq.

(Inatsisartunut Ilaasortaq Nivi Olsen, Demokraatit)

Inuit ataqatigiinniit siunnersuummik qaqitsisoq qutsavigaarput.

Siunnersuuteqartup aallarniutigalugu oqaatigaa demokraatit ukiorpassuarni mittarfittaartoqarnissaa sorsuutigiuarnikuusimagitsik, nuannaarutigalugu maanna mittarfiit ukiut ikittut missiliorlugit qaangiuppata naammassinissaat, ukiut marlussuit qaanngiuppata mittarfiit ammassasut naatsorsuutigineqalillartullu siunnersuusiorput Ilulissani takornariaqarnerup annertusisussaannera tungavilersuutigalugu takornarialerinnermut ilinniarfimmik Naalakkersuisut misissuillutik suliaqassasut misissuinerullu inernera ukiakkut 2023-mi naammassillugu saqqummiutissagaat siunnersuuteqarlutik.

Sooruna piffissaq kingulleq siunnersuut una qaqqinneqarpa?

Siunnersuummi unaqqissaaq akuerineqassappat ilinniarfissamik misissuineq 2023 saqqummiunneqarpat ukioq ataasiunngitsorluunniit qaanngiutiinnartorlu mittarfik ammartussaavoq.

INUIT ATAQATIGIIT INATSIARTUNI



Qujarnartumili ilinniarfik siunnersuuteqartup siunnersuutaattut ittoq nunaatsinni pioreerpoq, inuusuttut periarfissaqareerput, siunnersuuteqartup saqqummiussinerani malunnarpoq siunnersuutigisami allannerani ilinniarfiup periarfissaareersup neqeroorutai tunngavilersuumminut ilanngussimagai, soorlulusooq nittartakkami qupperneranni aagiinnarsimagai.

Qaqortumi Campus Kujallermi ilinniarnert ingerlanneqartartut siunnersuusiortup ilisimasianeraa ilisimanngilara taammaammap oqaluttuarilaassavakka siunnersuutip uummap akissutissaanik misissuilaarlunga ujaasininni paasisakka ukuupput: ilinniarfiup nuna tamakkerlugu ilinniartunit ilinniartorfigineqartarpoq, Savissivimmiit, Ilulissaniit, Sisimiuniit il.il ilinniartut aggerfeqarput aammalu sinerissami illoqarfiit tikillugit pikkorissaajartormik ingerlatsisartut soorlu maanna pilersaarusiorsimasut Qaanaammi Aasiannilu pikkorisaaniarlutik, pikkorissaanissallu illoqarfinni pineqartuni takornarialerinemik ingerlatsereersut suleqatigalugit umiarsuit takornariartaasuit sullineqartarnerinut tunngasunik kissaatigineqarsimanerat malillugit pikkorissaanissamik pilersaarusiorsimapput.

Aamma misissuilaarninni paasisama ilagaat Adventure Guide-titut ilinniarlutik aallartittartut Kangerlussuarmi aallartittartut qaammatillu marluk Kangerlussuarmeeriartut Campus Kujallermut ilinniarnertik nangillugu ingerlasartut. 2017-milu nuna tamakkerlugu tassa avannaanniit, kujataaniit kitaaniit tunumiillu ilinniartunik naammassinnillutik ilinniarsimasunik peqalersimasoq, 2020-milu takornarissanik angallassinissamut ilinniagaqarsimasut 198-it naammassisimasut.

Qinnuteqartut tallimaagaangata sisamat ilinnialernissamut tiguneqartarput, ilinniagaqalernissamullu piumasaqaataapput kalaallisut, qallunaatut tuluttullu ingerlanneqartarpoq.

INUIT ATAQATIGIIT INATSISARTUNI



Soorunami Inuit Ataqatigiinniit ataqqivarput inatsisartuni ilaasortat piumasaminnik siunnersuusiorsinnaasut, uanili isumaqarpugut uggornartoq ilinniarfimmik nutaammik nunatsinni periarfissaariinngitsumik siunnersuusiortup siunnersuusiorsimannginnera isumaqaratta akueriuminarnerussagaluartoq inuussuttortatta periarfissaat allaanerusut periarfissaalernerannik kinguneqarsinnaasumik pilersitsisoqarsinnaassagaluarmat, tamassuma kingunerissagaluarmagu siunissamut aningaasaliinneq, nukinik pilersitsinissamut nutaammut atuneq, nunattalu pisuunnguallaatigisimassagaluarmagu.

Periarfissanik nutaannik inuussuttortatta pisariaqartitaannik ujartuinissaq orniginarnerusoq oqaatigerusupparput puigunngilarput siorna GUX-mik Ilulissani pilersitsisoqarnissaannik siunnersuumik qaqitsisoqarnera, taammaammat siunnersuusiortup Ilulissani aggerfeqartup aamma ilisimasimavaa Ilulissat tassaasoq takornarissanit ornigalluarneqartartoq sulisoqareersoq pikkorissorsuarnik qularnanngitsumillu Campus Kujallermi ilinniarsimallutik naammassisimasunik aamma sulisoqartut.

Mittarfissuit pilersaarutigiliinnarlugilli ilinniarfik una pilersinneqarnissaannut siunnersuusiorsimanissaq pisussisamisoorsimassagaluarpog maannali inortuereerluni pilersitsiniarluni siunnersuuteqarpoq. Takornarialerisunngorusuttut aallaqqaamulli angerlarsimaffitsinik qimattariaqarlugu inuusinnaanissaminnik sungiusareersimanissaat pisussisissamisoorpoq taamaammallu maanna pioreersup ingerlalluareersup aappassaannik pilersitsinissaq nukinnik atuilussinnarnermik kinguneqaratarsinnaanera eqqarsarnartoqarpoq, takornarialerinerme sinerissami unammillernartoq tassaavoq ukioq naallugu suli suliffiusinnaanngimmat, annermik aasaanerani suliffiummat.

INUIT ATAQATIGIIT INATSISARTUNI



Ilulissani periarfissaasoq perorsaanermik ilinniarfik piorsarlugu ingerlatsigutta pitsaanerunnginnerpa? Immaqa tarnip pissusaannik ilisimasalinnut ilinniarfimmik? Ilinniarfiimmi piffikkaartumik katersorneqarnissaat siunniussaasoq ilisimavarput.

Taammaamat Inuit Ataqatiinniit:

Ilinniarfimmik pigeriikkatsinnik siunnersuuteqarneq tapersinngilarput.

Aningaasat pitsaanerusumik atorneqarsinnaasut isumaqarpugut.

Nukiit pitsaanerusumik atorneqarsinnaapput iluatigaarput.

Ilinniarfik siunnersuutigeriigaq periarfissaareerpoq inuusuttut nutaaliornissamik pisariaqartitsipput.

Ilinniarfik pioreersoq Ineriartorluni siuarsimalereerpoq.

Taamaamat Naalackersuisut allannguutissatut siunnersuutaat ima ilallugu ilinniarfik suna Ilulissani pisariaqartinneqarnerpoq nunatsinni poriinngitsoq ujartussagaammik oqariartuuteqarluta qujavugut oqaaseqarsinnaagatta.

Qujanaq